

आकाशवाणी

1. प्रधानमंत्री नरेंद्र मोदी होरें गी मारीशस दे सब्भने शा बड्डे सिविलयन अवार्ड कन्नै सम्मानित कीता गेआ ऐ। प्रधानमंत्री होरें आखेआ ऐ जे दवै मुख्य रलियै ग्लोबल साउथ दे हितें लेई कम्म करडन।
2. खजाना मंत्री निर्मला सीतारमण होरें मणिपुर लेई अपातकोष बनाने गितै 500 करोड़ रपे देने दी घोषणा कीती ऐ।
3. अमरीका नै आखेआ ऐ जे युक्रेन ओहदे 30एं दिनें दे तुरत ते आरजी युद्ध विराम दे प्रस्ताव पर राजी होई गेआ ऐ।
4. वलूच लिबरेशन आर्मी नै बंधक बनाए गेदे लोकें चा किश गी छोड़ी दित्ता, 214 अजे बी उन्दे कब्जे च, बी.एल.ए नै 30 पाकिस्तानी सैनिकें दे मारे जाने दा दावा कीता।
5. ते खेलो इंडिया विंटर गेम्स 2025 दा दुआ संस्करण अज्ज सम्पन्न होआ रदा'ऐ।

<><><><><><>

PM-Mauritius Award

प्रधानमंत्री नरेंद्र मोदी होर मारीशस दे सर्वोच्च नागरिक सम्मान “Grand of the order of the staar” ते “Key of the Indian Ocean” कन्नै सम्मानित होने

आहले पैहले भारतीय बनी गेन। मारीशस दे प्रधानमंत्री होरें कल संझा भारती प्रवासियें दे इक कार्यक्रम दौरान प्रधानमंत्री मोदी होरें गी सम्मान प्रदान करने दी घोषणा कीती ही। एह मोदी होरें गी थोने आहला इस चाल्ली दा 21मां सम्मान ऐ। प्रधानमंत्री मोदी होरें भारतीय समुदाय गी संबोधित करदे होई देश दे सर्वोच्च नागरिक सम्मान कन्नै सम्मानित होने पर मारीशस दे लोकें ते सरकार गी धन्नवाद कीता।

<><><><><><>

PM-Mauritius

प्रधानमंत्री नरेंद्र मोदी होरें मारीशस गी भारत ते ग्लोबल साउथ मझाटै इक महत्वपूर्ण पुल दस्सेआ ऐ। मारीशस दी राजधानी पोर्ट लुई च कल राती भारती प्रवासियें गी संबोधित करदे होई प्रधानमंत्री होरें आखेआ जे मारीशस भारत दे सागर विजन दे केंद्र च बने दा ऐ जेदी घोषणा पैहली बार मोदी हुंदी 2015 दी मारीशस जातरा दौरान कीती गई ही। प्रधानमंत्री होरें आखेआ जे मारीशस छड़ा इक सांझ भ्याल मुख्य गै नेई ऐ, सगुआं भारत दे परोआर दा इक हिस्सा ऐ। मोदी होरें मारीशस दे विकास च हर चाल्ली दी मदाद दा भरोसा दोआया जेदे च उत्थे इक नमैं संसद भवन दा निर्माण बी शामिल ऐ। इस कार्यक्रम च मारीशस दे प्रधानमंत्री डॉ. नवीनचंद्र रामगुलाम हुंदी धर्मपत्नी ते कैबिनेट मंत्री शामिल हे। मोदी हुंदा भाषण हिंद महासागर खेतर गी सुरक्षित करने लेई सांझेदारी आहले जत्ने पर बी केंद्रित हा। उनें आखेआ जे इक

भरोसेमंद मित्र दे रूप च भारत मारीशस दे राश्ट्रीय हितें दी राक्खी ते हिंद महासागर खेतर गी सुरक्षित करने लेई कम्म करदा रेआ ऐ। प्रधानमंत्री होरें अपने 30एं मिनटें दे भाषण च भोजपुरी भाषा दा इस्तेमाल कीता कीजे उत्थे 70 फीसद आबादी भारतीय मूल दी ऐ जेदे च मुख तौरा पर भोजपुरी बोलने आहले न।

<><><><><><><>

PM-Talks

प्रधानमंत्री नरेंद्र मोदी होर अज्ज मारीशस दे राश्ट्रीय दिवस समारोह च मुख अतिथि होंगन। मोदी होरें कल पोर्ट लुई च मारीशस दे प्रधानमंत्री नवीनचंद्र रामगुलाम हुंदे कन्नै सकारात्मक गल्लबात कीती ते दौनें मुखें मझाटै सांझेदारी गी मजबूत करने दे धेड़यै गी फी पक्का कीता। दौनें नेताएं दपक्खिया सरबंधें च मौजूदा समें च सहयोग दी समीक्षा कीती ते दौनें मुखें मझाटै विशेष सरबंधें गी होर निगगर करने लेई रसते पर विचार-विमर्श कीता। बैठक दौरान जिने मुख खेतरें पर प्रमुखता कन्नै चर्चा होई, उन्दे च रक्षा, सुरक्षा, आर्थिक सरबंधे ते संस्कृति आदान-प्रदान शामिल न। बाद च मारीशस दे प्रधानमंत्री हुंदे आसेआ रातीं आहली रूट्टी दौरान अपने संबोधन च मोदी होरें आखेआ जे भारत मारीशस भागीदारी ऐतिहासिक सरबंधें तगर गै सीमित नेई ऐ।

<><><><><><><>

Prez. Mohali

राष्ट्रपति द्रौपदी मुर्मू होरें कल मोहाली च पंजाब सरकार आसेआ उन्दे सम्मान च आयोजित नागरिक अभिनन्दन समारोह च हिस्सा लैता। इस मौके पर उनें आखेआ जे गुरुएं दे आशींवाद ते प्रेरणा कन्ने पंजाब दी धरती नै शहीदें ते क्रांतिकारियें गी जन्म दिता ऐ। उनें आखेआ जे दौनें दे स्वतंत्रता संग्राम दे महत्वपूर्ण ध्याय इस्सै धरती पर लिखे गेन। राष्ट्रपति होरें बकख-बकख खेतरें च पंजाब दी भागीदारी पर आखेआ जे पंजाब दे करसानें अपनी मेहनत कन्ने हरित क्रांति गी सफल बनाया ते मुख्यै गी खाद्य सुरक्षा प्रदान कीती। उनें विश्वास जाहिर कीता जे पंजाब दे करसान ते कृषि वैज्ञानिक इक बारी फी पर्यावरण दे साब्बै राई-बाई अपनाइयै, देसै दे कृषि खेतर दा नेतृत्व करंगन।

<><><><><><>

Nirmla

केंद्री खजाना मंत्री निर्मला सीतारमण होरें मणिपुर लेई चानचक्क लोड़ पौने पर खर्च लेई आकस्मिक फंड बनाने गितै 500 करोड़ रपे दी रकम देने दी घोषणा कीती ऐ। कल लोकसा च इस बारै जानकारी दिंदे होई उनें आखेआ जे मणिपुर दी अर्थ बवस्था गी पटरी पर आहनने लेई केंद्र सरकार मुमकन सहायता उपलब्ध करा करदी ऐ।

<><><><><><>

US-Ukraine

अमरीका नै आखेआ ऐ जे यूक्रेन ओहदे 30एं दिनें दे तुरत ते अंतरिक्ष युद्ध विराम दी पेशकश पर राजी होई गेआ ऐ ते हून रूस गी एहदा परता देना ऐ। अमरीका नै यूक्रेन गी फौजी सहायता ते खूफिया जानकारी देने पर लाई गेदी रोक गी बी हटाई लैता ऐ। अमरीका दे विदेश मंत्री मार्को रोबियो होरें साउदी अरब दे जेद्दा च यूक्रेन दे अधिकारिएं कन्नै इक बैठक दे बाद संवाददाताएं गी एह जानकारी दिती।

<><><><><><>

Baloach-Train

पाकिस्तान दे बलूचिस्तान प्रांतै च बक्खवादिएं पेशावर जाने आहली इक रेल गड्डी पर हमला करियै बंधक बनाए गेदे कोई साइडे 400 लोकें चा किश गी रिहा करी दिता ऐ पर कोई पाकिस्तानी सैनिकें समेत 214 लोकें गी अजे बी अपने कब्जे च रक्खे दा ऐ। बलूच लिबरेशन आर्मी नै इस हमले दी जिम्मेदारी लेंदे होई दावा कीता ऐ जे ओहदी कार्रवाई च 30 कोला मते पाकिस्तानी फौजी मारे गेन। हमले दे समें एह रेल गड्डी क्वेटा थमां पेशावर जारदी ही। बचाव दल ते सुरक्षाकर्मी उस इलाके च पुज्जी गेदे न जित्थे रेल गड्डी रोकियै लोकं गी बंदी बनाए दा ऐ ते हमलावरें गी फगड़ने ते लोकें गी बचाने लेई अभियान जारी ऐ। पाकिस्तान सरकार दे इक प्रवक्ता नै दावा कीता ऐ जे सुरक्षा बलें 80 कोला मते लोकें गी बचाई लैता ऐ। अजें कि बी.एल.ए दा आखना ऐ जे

उन्नै आपूं किश लोकें गी रिहा कीता ऐ। उदा आखना ऐ जे उन्नै पाकिस्तानी सेना दे जमीनी हमले गी पूरी चाल्ली नाकाम करी दिता ऐ। बीएलए ब्लूचिस्तान च सब्भनै शा ताकतवर विद्रोही समूहें चा इक ऐ ते एहदी प्रमुख मंगें चा इक पाकिस्तान सोयां बक्ख इक बलूच मुख्य बनाना ऐ। एह समूह अफगानिस्तान ते ईरान दी सीमा कन्नै लगदे खनिजें कन्नै समृद्ध क्षेत्र च सक्रिय ऐ।

<><><><><><>

Khelo India

जम्मू-कश्मीर च बारामूला जिले दे गुलमर्ग च आयोजित खेलो इंडिया स्यालू खेड्ढां 2025 दा दुआ चरण अज्ज सम्पन्न होई जाग। इनें खेड्ढें दा पैहला चरण 23 कोला लेइयै 27 जनवरी तगर लद्दाख च कामयाबी कन्नै आयोजित कीता गेदा हा जेदे च आईस हॉकी ते आईस स्केटिंग स्पर्धा आयोजित कीतियां गेइयां हियां। आकाशवाणी संवाददाता नै जानकारी दिती ऐ जे युवा मामलें ते खेड्ढें सरबन्धी केंद्री मंत्री डॉ. मनसुख मांडविया होर समापन समारोह च हिस्सा लैंगन ते मुख्य भरै थमां आए दे एथलीटें गी सम्मानित करंगन।

<><><><><><>

Grand

भारत नै कल नमी दिल्ली च विश्व पैरा ग्रां प्री. एथलेटिक्स दे पैहले ध्याड़े पुरुषें दी डिस्कस थो एफ 11 स्पर्धा च सो तगमे अपने नां कीते। सागर नै 34

अशारिया 8-4 मीटर दी थो कन्नै सुन्ने दा तगमा जितेआ। बालाजी राजेंद्रन नै
26 अशारिया 9-8 मीटर दी थो कन्नै चांदी दा तगमा ते जनक सिंह हरसाना नै
25 इशारिया 1-3 मीटर दी थो कन्नै कै दा तगमा अपने नां कीता।

<><><><><><>